

“SnaitBag”, la Provincia e done altris doi strissons par sostignî il progjet dal Ateneu furlan

Daspò de prime donazion di trê strissons in pvc te Vierte passade, la Provincie di Udin e invistis inmò tal progjet de Universitât di Udin cognossût come “Snaitbag”, che al previôt il ricicli dai strissons stradai e publicitaris par creâ borsis (“bag” par inglês) di impat dinamic e svelt (“snait” e je la peraule furlane che e volte l’inglês “smart”).

Lis assessoris a lis Politichis Sociâls Elisa Battaglia e ae Culture Francesca Musto a àn volût donâ ae Universitât altris doi strissons in pvc, doprâts pe promozion di dôs mostris di artiscj locai, organizadis de Provincie tai mès passâts. Il materiâl plastic al vignarà trasformât in borsis e altris aessoris che a laran a insiorâ i prodots comerciâi dal Ateneu; la trasformazion originâl e je dade ae cooperative sociâl “Rio Terà dei pensieri” di Vignesie che si ocupe di fâ lavorâ personis che a son in esecuzion penâl.

Cussì “e ven dade une seconde pussibilitât a materiâi che se no a saressin lâts in discjarie - e ricuarde la assessore Battaglia. - Cun di plui si contribuîs a dâ une

oportunitât di lavôr a cui che si cjate in dificoltàt te vite. O ringracii la Universitât par vè ideât chest progjet”.

“Cun cheste donazion - e va indevant la assessore Musto - o fasin onôr ae lenghe e ae culture furlane, o tignin in pîts une idee imprenditoriâl, o sostignin une cooperative sociâl e o mostin di vè a cûr l’ambient. E, no par ultin, o sostignin la ufierte formative de Universitât dal Friûl”.

Lis “SnaitBag”, disponibiliis in diviersis tipologiis, si puedin cjatâ li dal Snait Shop de Universitât di Udin, palaç Antonini in vie Petracco 4, e-mail snaitshop@uniud.it.



Peso: 28%